

ՀԱՇՎԵՏՎՈՒԹՅՈՒՆ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐՄԱՎԻՐԻ ՄԱՐԶԻ ՆՈՐԱԿԵՐՏ ԳՅՈՒՂԱԿԱՆ ՀԱՄԱՅՆՔԻ 2013 ԹՎԱԿԱՆԻ ՀՈՒՆՎԱՐԻ 15 -ԻՆ ԿԱՅԱՑԱԾ ԺՈՂՈՎԻ.

ՕՐԱԿԱՐԳ

ՆՈՐԱԿԵՐՏ ԳՅՈՒՂԱԿԱՆ ՀԱՄԱՅՆՔԻ ՂԵԿԱՎԱՐԻ ՀԱՇՎԵՏՎՈՒԹՅՈՒՆԸ ԳՅՈՒՂԱՊԵՏԱՐԱՆԻ 2012 ԹՎԱԿԱՆԻ ՏԱՐԵԿԱՆ ԳՈՐԾՈՒՆԵՈՒԹՅԱՆ ՎԵՐԱԲԵՐՅԱԼ.

Ձեկ. Համայնքի ղեկավար Շ. Կարապետյան

Ժողովին մասնակցում էին 46 մարդ.

Հայաստանի Հանրապետության Արմավիրի մարզի Նորակերտ գյուղական համայնքի ղեկավար Շ. Կարապետյանը, ժողովի մասնակիցներին հակիրճ ներկայացրեց 2012 թ. ընթացքում գյուղապետարանի կողմից համայնքի տարբեր ոլորտներում իրականացրած գործունեությունը, անդրադարձավ առկա հիմնախնդիրներին, վեր հանեց թերություններն ու բացթողումները:

Համայնքի ղեկավար Շ. Կարապետյանը հարկ համարեց նշել, որ տարբեր օբյեկտիվ և սյուբեկտիվ պատճառներով մեծ է չմշակվող հողատարածքների տեսակարար կշիռը, որը կազմում է շուրջ 90.0% հանգամանք, որը խիստ մտահոգիչ է և միաժամանակ դժվարացնում է սեփական եկամուտների հավաքագրման գործընթացը: Համայնքի ղեկավարը նախ անդրադարձավ 2012թ բյուջեի կատարման հիմնական ցուցանիշներին, նշելով որ անցած տարում զգալի դրական աշխատանք է կատարվել եկամուտների հավաքագրման ուղղությամբ: Մասնավորապես նշվեց, որ համայնքի 2012 թվականի տարեկան /վարչական և ֆոնդային բյուջեի/ կատարողականը եկամուտների գծով կազմում է 119.4%, որից սեփական եկամուտների կատարողականը՝ 123.8 %:

Այն ըստ առանձին եկամտատեսակների հետևյալ պատկերն է ներկայացնում:

Ձ ՈՒ Ց Ա Ն Ի Շ Ն Ե Ր	Նախատեսված / հազ. դրամ/	Փաստացի / հազ. դրամ/	կատարման %-ը
Ընդամենը սեփական եկամուտներ	10146.3	12558.1	123.8
Հողի հարկ	3590.0	4971.1	138.5
Գույքահարկ	5770.0	6612.3	114.6

Տեղական տուրքեր	461.0	534.5	115.9
Գույքի օտարումից եկամուտներ	-----	8616.8	-----

Այնուհետև համայնքի ղեկավար Շ. Կարապետյանը հակիրճ կերպով անդրա - դարձավ 2012 թ. ընթացքում գյուղապետարանի կողմից իրականացրած հիմնական աշխատանքներին:

1. Տարրական դասարանների շուրջ 130 աշակերտների և «Նորակերտի մանկա - պարտեզ» ՀՈԱԿ-ի 65 երեխաների համար տոնակա նվերների ձեռք բերում և բաժանում:
2. Կանանց մեկամսյակի առթիվ միջոցառումների կազմակերպում գյուղապետարանի, դպրոցի և գյուղապետարանի ենթակայության տակ գտնվող հիմնարկ - ների կին աշխատակիցների համար տոնական նվերների բաժանումով:
3. Մասնակցություն և նվիրատվություն դպրոցում և «Նորակերտի մանկապարտեզ» ՀՈԱԿ -ում կազմակերպված տարատեսակ միջոցառումներին:
4. Համայնքի դպրոցի, գյուղապետարանի և նրա ենթակայության շուրջ 55 աշխակակիցների մեկօրյա հանգստի կազմակերպում Սյունիքի մարզում:
5. Համայնքի ազգաբնակչության մի հատվածին /Կոմիտաս փողոց/ ոռոգման ջրի մատակարարման ջրագծի հիմնանորոգում, երկաթյա խողովակների փոխարինում նորով:
6. «Նորակերտի մանկապարտեզ» ՀՈԱԿ-ի բակի բարեկարգում, խոհանոցային հատվածի մուտքի աստիճանների հիմնանորոգում, շքամուտքի վերնամասի ծածկի /նավեա/ տեղադրում, բակում մանկական խաղերի տեղադրում:
7. Մանկապարտեզի համար նոր մահճակալների, անկողնային պարագաների /աղիալների/, մեծ խմբաքանակի գույքի /գրասեղան, սեղան, մանկական աթոռ, սեղան/ և այլ պարագաների ձեռք բերում:
8. «Նորակերտի մանկապարտեզ» ՀՈԱԿ-ի շենքի առաջին և երկրորդ հարկերի նախկինում չփոխարինված դռների և պատուհանների փոխարինում նոր մետաղապլաստե դռներով և պատուհաններով:
9. «Նորակերտի մանկապարտեզ >> Հոսկի շենքի համար նոր շերտավարագույրների ձեռք բերում և տեղադրում:
10. Հողերի գեոդեզիական քարտեզագրում և առանձին հողատարածքների ճշտում:
11. Հաշմանդամ և առողջական խնդիրներ ունեցող երեխաներին , նյութապես անապահով բնակիչներին տրվել է սոցիալական օգնություն , մի շարք բնակիչների ակնոցներ ձեռք բերման գումարը փոխհատուցվել է համայնքի կողմից:
12. Համայնքի փոստային բաժանմունքի և նրան կից նախկին հեռախոսակայանի շենքի տանիքի հիմնանորոգում:
13. Համայնքի գլխավոր փողոցների /Թումանյան և Կոմիտաս/ ցերեկային լուսավորության վերականգնում, ամանորյա տոնական լույսերի անցկացում:

Համայնքի ղեկավարը հարկ համարեց նշել, որ համայնքը իր պատրաստակա-

մությունն է հայտնել մասնակցելու ներտնտեսային ոռոգման ցանցի հիմնանորոգման որևէ ծրագրի՝ համաֆինանսավորման սկզբունքով:

Այնուհետև համայնքի ղեկավարը նշեց, որ չնայած կատարված զգալի աշխատանքներին, այնուամենայնիվ համայնքում շատ են տարիներ շարունակ իրենց լուծմանն սպասող մի շարք հիմնախնդիրներ, որի մեծ մասը համայնքը ի գործուչի իր սուղ միջոցներով իրականացնելու՝ դրանք են.

ա/ Համայնքի ներտնտեսային փողոցների վատթար վիճակը

բ/ Ոռոգման և խմելու ջրագծերի մաշվածության բարձր աստիճանը

գ/ Դպրոցում մարզադահլիճի բացակայությունը

դ/ Համայնքի մշակույթի տան և մանկապարտեզի շենքի վերանորոգման հրատապությունը և այլն:

Ելույթ ունեցան նաև դպրոցի տնօրեն Վ. Քոչյանը և «Նորակերտի մանկապարտեզ» ՀՈԱԿ-ի տնօրեն Ս. Ասատրյանը, բուժ ամբուլատորիայի տնօրեն՝ բժշկուհի Հ. Աղախանյանը, որոնք իրենց խորին երախտագիտությունն արտահայտեցին գյուղապետարանի աշխատակազմին, հատկապես համայնքի ղեկավար Ե. Կարապետյանին իրենց ղեկավարած ոլորտների հանդեպ ցուցաբերած ամենօրյա հոգատարության և նյութական ու բարոյական շարունակական աջակցության համար:

Վերջում համայնքի ղեկավար Ե. Կարապետյանը ժողովի մասնակիցներին հավաստիացրեց, որ այսուհետև ևս ավագանու, գյուղապետարանի աշխատակազմի և անձամբ իր կողմից հնարավոր ամեն ինչ կարվի համայնքի առջև ծառայած խնդիրները մշտապես ուշադրության կենտրոնում պահելու և հնա - հավորինս լուծում տալու համար:

Համայնքի ղեկավար՝  Ե. Կարապետյան

15-ը հունվարի 2012 թվական գ. Նորակերտ

